


神農本草經(二)
石藥爾雅





神農本草經

(二)

吳普等述
星孫衍 孫馮翼 輯



南京中医药大学图书馆版权所有

神農本草經卷三

下經

下藥一百二十五種爲左使。主治病以應地。多毒不可久服。欲除寒熱邪氣。破積聚。愈疾者。本下經。

石灰。

礬石。

鉛丹。

粉錫。錫鏡鼻。

戎鹽。大鹽。鹵鹽。

白堊。

冬灰。

青琅玕。

右玉石。舊一十二種。八。

附子。

烏頭。

天雄。

半夏。

虎掌。

鳶尾。

大黃。

亭歷。

桔梗。

葇蕩子。

草蒿。

旋覆花。

藜蘆。

鉤吻。

射干。

蛇合。

恆山。

蜀漆。

甘遂。

白斂。

青稻子。

薤菌。

白及。

大戟。

澤漆。

茵芋。

貫衆。

藟華。

牙子。

羊躑躅。

商陸。

羊蹄。

薦蓄。

狼毒。

白頭翁。

鬼臼。

羊桃。

女青。

連翹。

閭茹。

烏韭。

鹿藿。

蚤休。

石長生。

陸英。

薰草

牛蒡

夏枯草

芫華右草種·舊·下品四十九種

巴豆

蜀朮

阜茨

柳華柳實

郁李仁

莽草

雷丸

桐葉梓白皮

石南

黃環

凌疏

鼠李藥實根

欒華

蔓菁右種·木下品一十八種·七

六畜毛蹄甲右獸種·舊·下品四

豚卵

麋脂

鱷鼠

邱蚓蟻蚘

蝦蟇

馬刀

蛇蛻

貝子石蠶

吳蚣

水蛭

班苗

馬陸地膽

省甕

蜚蠊

螻蛄

伏翼右蟲種·舊·下品一十

桃核仁

熒火

衣魚

腐婢右米一種·穀同·下品

杏核仁右種·木下品二

苦瓠

水蘄右菜種·舊·下品二

彼子右一種·未詳

序例白字

佚文

附吳普本草

石灰、味辛溫。主疽瘍疥搔熱氣惡創癩疾死肌墮眉殺痔蟲去黑子息肉一名惡疔生山谷。

名醫曰一名希疔生中山。

按惡灰疑當爲羣灰希石聲之緩急。

礬石、味辛大熱主寒熱鼠瘻蝕創死肌風痺腹中堅一名青分石一名立制石一名固羊石。御覽引云除熱殺百

獸大觀本作黑字。出山谷。

吳普曰白礬石一名鼠鄉神農岐伯辛有毒桐君有毒黃帝甘有毒李氏云或生魏興或生少室十二

月採名食鹽。御覽引云一名太白一名澤乳一名李氏大寒主溫熱

名醫曰一名白礬石一名太白石一名澤乳一名食鹽生漢中及少室采無時。

案說文云礬毒石也出漢中西山經云皋塗之山有白石焉其名曰礬可以毒鼠范子計然云礬石出

漢中色白者善淮南子地形訓云白天九百歲生白礬高誘云白礬礬石也又說林訓云人食礬石而

死蠶食之而肥高誘云礬石出陰山一曰能殺鼠案西山經云毒鼠即治鼠瘻也。

鉛丹、味辛微寒主土逆胃反驚癩癘疾除熱下氣鍊化還成九光久服通神明。御覽引作吐下生平澤

名醫曰一名鉛華生蜀郡。

案說文云鉛青金也陶宏景云即今熬鉛所作黃丹也

粉錫味辛寒主伏尸毒螫殺三蟲一名解錫錫鏡鼻主女子血閉癥瘕伏腸絕孕生山谷舊作二種今并

名醫曰生桂陽

案說文云錫銀鉛之閒也

代赭味苦寒主鬼注賊風蠱毒殺精物惡鬼腹中毒邪氣女子赤沃漏下一名須丸生山谷

名醫曰一名血師生齊國赤紅青色如雞冠有澤染爪甲不渝者良采無時

案說文云赭赤土也北山經云少陽之山其中多美赭管子地數篇云山上有赭者其下有鐵范子計

然云石赭出齊郡赤色者善蜀赭出蜀郡據元和郡縣志云少陽山在交城縣其地近代也

戎鹽主明目止痛益氣堅肌骨去毒蠱大鹽令人吐御覽引云主腸胃結熱鹵鹽味苦寒主大熱消渴

狂煩除邪及下蠱毒柔肌膚御覽引云一名寒生池澤舊作三種

名醫曰戎鹽一名胡鹽生胡鹽山及西羌北地酒泉福祿城東南角北海青南海赤十月采大鹽生邯

鄆又河東鹵鹽生河東鹽池

案說文云鹽鹹也古者宿沙初作煮海鹽鹵西方鹹地也從西省象鹽形安定有鹵縣東方謂之斥西

方謂之鹵鹽河東鹽池袤五十一里廣七里周百十六里北山經云景山南望鹽販之澤郭璞云即解

縣鹽池也今在河東猗氏縣案在山西安邑運城

白堊、味苦溫。主女子寒熱癥瘕。目閉。積聚。生山谷。

吳普曰：白堊一名白鱗。一切經音義

名醫曰：一名白善。生邯鄲。采無時。

案說文云：堊，白塗也。中山經云：蔥鬲之山，是多白堊。

冬灰、味辛微溫。主黑子。去脫息肉。疽蝕。疥搔。一名黎灰。生川澤。

名醫曰：生方谷。

青琅玕、味辛平。主身痒。火創。癰傷。疥搔。死肌。一名石珠。生平澤。

名醫曰：一名青珠。生蜀郡。采無時。

案說文云：琅玕似珠者。古文作瑯。禹貢云：雍州貢瑯珠。琅玕。珠也。

右玉石。下品九種。舊十二種。粉錫。錫鏡鼻爲二。戎鹽。大鹽。鹵鹽爲非。三考當各爲一。

附子、味辛溫。主風寒欬逆邪氣。溫中。金創。破癥。堅積聚。血瘕。寒溼。御覽作瘕。壁拘攣。郗痛不能行步。御覽引云

爲百藥之長。大觀本作黑字。生山谷。

吳普曰：附子一名葇。神農辛。岐伯雷公甘有毒。李氏苦有毒。大溫。或生廣漢。八月采。皮黑肥白。御覽

名醫曰：生樅爲及廣漢東。月采爲附子。春采爲烏頭。御覽

案范子計然云：附子出蜀武都中。白色者善。

烏頭、味辛溫。主中風、惡風、洗洗、出汗、除寒溼痺、欬逆上氣、破積聚、寒熱。其汁煎之，名射罔，殺禽獸。一名奚毒。一名卽子。一名烏喙。生山谷。

吳普曰：烏頭一名萇，一名千秋，一名毒公，一名卑負。御覽作果頁一名耿子。神農雷公桐君黃帝甘有毒。正月始生，葉厚莖方，中空，葉四四相當，與蒿相似。

又云：烏喙，神農雷公桐君黃帝有毒。李氏小寒十月采，形如烏頭，有兩歧相合，如烏之喙，名曰烏喙也。所畏惡使，盡與烏頭同。一名則子，一名萇。神農岐伯有大毒。李氏大寒八月采。陰乾，是附子角之大者。畏惡與附子同。御覽大觀本節文

名醫曰：生朗陵。正月二月采。陰乾，長三寸已上爲天雄。

按說文云：煎，烏喙也。爾雅云：芑，葶草。郭璞云：卽烏頭也。江東呼爲葶。范子計然云：烏頭出三輔中，白者善。國語云：驪姬置葶于肉。韋昭云：葶，烏頭也。淮南子主術訓云：莫凶于雞毒。高誘云：雞毒，烏頭也。按雞毒卽奚毒。卽子卽煎子側子也。名醫別出側子條，非。

天雄，味辛溫。主大風、寒溼痺、瀝節痛、拘攣、緩急、破積聚、邪氣、金創、強筋骨、輕身健行。一名白幕。御覽引云：強志令人武勇力作不倦。大觀本作黑字。生山谷。

名醫曰：生少室。二月采根陰乾。

案廣雅云：蕪，奚毒。附子也。一歲爲煎子，二歲爲烏喙，三歲爲附子，四歲爲烏頭，五歲爲天雄。淮南子繆

稱訓云。天雄烏喙藥之凶毒也。良醫以活人。

半夏味辛平。主傷寒寒熱。心下堅。下氣。喉咽腫痛。頭眩胸張。欬逆腸鳴。止汗。一名地文。一名水玉。已上八字。

本黑 生川谷。

吳普曰。半夏一名和姑。生微邱。或生野中。葉三三相偶。二月始生。白華。員上。覽

名醫曰。一名示姑。生槐里。五月八月采根暴乾。

案月令云。二月半夏生。范子計然云。半夏出三輔。色白者善。列仙傳云。赤松子服水玉以教神農。疑卽

半夏別名。

虎掌味苦溫。主心痛。寒熱。結氣。積聚。伏梁。傷筋。痿。拘。緩。利水道。生山谷。

吳普曰。虎掌神農雷公苦無毒。岐伯桐君辛有毒。立秋九月采之。御覽引云。或生太山。或宛朧。

名醫曰。生漢中及宛旬。二月八月采。陰乾。

案廣雅云。虎掌瓜屬也。

鳶尾味苦平。主蠱毒邪氣。鬼注。諸毒。破癥瘕積聚。去水下三蟲。生山谷。

吳普曰。鳶尾治蠱毒。御覽

名醫曰。一名烏園。生九疑山。五月采。

案廣雅云。鳶尾烏蕙。射干也。疑當作鳶尾。烏園也。是二物。唐本注云。與射干全別。

大黃、味苦寒。主下瘀血，血閉，寒熱，破癥瘕積聚，留飲，宿食，蕩滌腸胃，推陳致新，通利水穀。御覽·此下調有道字。中化食，安和五臧，生山谷。

吳普曰：大黃一名黃良，一名火參，一名膚如，神農雷公苦有毒，扁鵲苦無毒，李氏小寒，為中將軍，或生蜀郡北部，或隴西。二月花生，生黃赤葉，四四相當，黃莖高三尺許，三月華黃，五月實黑，三月采根，根有黃汁，切陰乾。御覽

名醫曰：一名黃良，生河西及隴西，二月八月采根，火乾。

案廣雅云：黃良，大黃也。

亭歷舊作亭歷·御味辛寒，主癥瘕積聚，結氣，飲食寒熱，破堅，一名大室，一名大適，生平澤及田野。

名醫曰：一名下歷，一名葦蒿，生葦城，立夏後采，實陰乾，得酒良。

案說文云：葦，亭歷也。廣雅云：狗薺，大室，亭藤也。爾雅云：葦，亭歷。郭璞云：實葉皆似芥。淮南子繆稱訓云：亭歷愈張。西京雜記云：亭歷死於盛夏。

桔梗，味辛微溫，主胸脅痛，如刀刺，腹滿，腸鳴，幽幽，驚恐悸氣。御覽引云·一名利如，大觀本·作黑字。生山谷。

吳普曰：桔梗一名符扈，一名白藥，一名利如，一名梗草，一名盧如，神農醫和苦無毒，扁鵲黃帝鹹，岐伯

雷公甘無毒，李氏大寒，葉如薺，莖如筆管，紫赤，二月生。御覽

名醫曰：一名利如，一名房圖，一名白藥，一名梗草，一名薺，生蒿高及宛，句二八月采根，暴乾。

案說文云。桔。桔梗。藥名。廣雅云。犁如。桔梗也。戰國策云。今求柴胡。及之。罌黍。梁父之陰。則邳車而載耳。桔梗于沮澤。則累世不得一焉。爾雅云。芑。葳芑。郭璞云。薺芑。據名醫云。是此別名。下又出薺芑條。非然。陶宏景亦別爲二矣。

芑。蕩子。味苦寒。主齒痛出蟲。因痺。拘急。使人健行。見鬼。多食令人狂走。久服輕身。走及奔馬。強志益力。通神。一名橫唐。生川谷。

名醫曰。一名行唐。生海濱。及雍州。五月采子。

案廣雅云。蕪萍。闔藹也。陶宏景云。今方家多作狼膺。舊作荇。案說文無荇。蕪字。史記淳于意傳云。菑川王美人懷子而不乳。飲以蕪藹藥一撮。本草圖經引作浪蕩。是。

草蒿。味苦寒。主疥搔。痂痒。惡創。殺蟲。留熱在骨節。開明目。一名青蒿。一名方潰。生川澤。

名醫曰。生華陰。

案說文云。蒿。藪也。或作藪。爾雅云。蒿。藪。郭璞云。今人呼青蒿香中炙啖者爲藪。史記司馬相如傳。菴藪。注漢書音義曰。菴。藪也。陶宏景云。卽今青蒿。

旋復花。味鹹溫。主結氣脅下滿。驚悸。除水。去五臧。開寒熱。補中下氣。一名金沸艸。一名盛棋。生川谷。名醫曰。一名戴棋。生平澤。五月采花。日乾。二十日成。

案說文云。菴。盜庚也。爾雅云。菴。盜庚。郭璞云。旋復似菊。

藜蘆御覽作。味辛寒。主蠱毒。欬逆。洩利。腸辟。頭瘍。疥搔。惡創。殺諸蠱毒。去死肌。一名葱苒。生山谷。

吳普曰。藜蘆一名葱葵。一名豐蘆。一名薰葵。御覽引云。一名山神農雷公辛有毒。御覽引云。黃岐伯

鹹有毒。李氏太寒。大毒。扁鵲苦有毒。大寒。葉根小相連。御覽引云。二月采根。

名醫曰。一名葱葵。一名山葱。生太山。三月采根。陰乾。

案廣雅云。藜蘆葱蒨也。范子計然云。藜蘆出河東。黃白者善。爾雅云。蒼山葱。疑非此。

鈎吻御覽作。味辛溫。主金創乳瘻。中惡風。欬逆上氣。水腫。殺鬼。舊作疰。御覽蠱毒。一名野葛。生山谷。

吳普曰。秦鈎吻一名毒根。一名野葛。神農辛。雷公有毒。殺人生南越山。或益州。葉如葛。赤莖。大如箭。方

根黃。或生會稽東冶。正月采。御覽

名醫曰。生傅高山。及會稽東野。

案廣雅云。葇鈎吻也。淮南子說林訓云。蝮蛇螫人。傅以和莖則愈。高誘云。和莖。野葛。毒藥。博物志云。鈎

吻毒。桂心。葱葉。沸解之。陶宏景云。或云鈎吻是毛葇。沈括補筆談云。園中人呼為吻葇。亦謂之野葛。嶺

南人謂之胡蔓。俗謂之斷腸草。比草人閒至毒之物。不入藥用。恐本草所出別是一物。非此鈎吻也。

射干。味苦平。主欬逆上氣。喉痺咽痛。不得消息。散急氣。腹中邪逆。食飲大熱。一名烏扇。一名烏蒲。生川谷。

吳普曰。射干一名黃遠也。御覽

名醫曰。一名烏髮。一名烏吹。一名草蠶。生南陽田野。三月三日采根。陰乾。

案廣雅云。蔞尾烏蕙。射干也。荀子勸學篇云。西方有木焉。名曰射干。莖長四寸。范子計然云。射干根如

□□□安定。

蛇合原注云。合是舍字。

味苦微寒。主驚癩寒熱邪氣。除熱。金創。疽痔。鼠瘻。惡創。頭瘍。一名蛇銜。生山谷。

名醫曰。生益州。八月采。陰乾。

按本草圖經云。或云是雀瓢。卽是羅摩之別名。據陸璣云。芄蘭一名羅摩。幽州謂之雀瓢。則卽爾雅羅

芄蘭也。唐本草。別出羅摩條。非。又見女青。

恆山舊作常山。御覽作恆山。是。

味苦寒。主傷寒。寒熱。熱發。溫瘧。鬼毒。胸中痰結。吐逆。一名互草。生川谷。

吳普曰。恆山一名漆葉。神農岐伯苦。李氏大寒。桐君辛有毒。二月八月采。

名醫曰。生益州及漢中。八月采根。陰乾。

案後漢書華佗傳云。佗授以漆葉青黏散。漆葉屑一斗。青黏十四兩。以是爲率。言久服去三蟲。利五藏。

輕體。使人頭不白。

蜀漆。味辛平。主瘡及欬逆。寒熱。腹中癥堅。痞結。積聚。邪氣。蠱毒。鬼汗。舊作疰。覽作疰。生川谷。

吳普曰。蜀漆葉一名恆山。神農岐伯雷公辛有毒。黃帝辛。一經酸。如漆葉藍菁相似。五月采。御覽

名醫曰。生江陵山。及蜀漢中常山。苗也。五月采葉。陰乾。

案廣雅云。恆山蜀漆也。范子計然云。蜀漆出蜀郡。

甘遂味苦寒。主大腹疝瘕。腹滿。面目浮腫。留飲宿食。破癥堅積聚。利水穀道。一名主田。生川谷。

吳普曰。甘遂一名主田。一名曰澤。一名重澤。一名鬼醜。一名陵藁。一名甘藁。一名甘澤。神農桐君苦有毒。歧伯雷公有毒。須二月八月采。御覽

名醫曰。一名甘藁。一名陵藁。一名陵澤。一名重澤。生中山。二月采根陰乾。

案廣雅云。陵澤。甘遂也。范子計然云。甘遂出三輔。

白斂味苦平。主癰腫疽創。散結氣。止痛除熱。目中赤。小兒驚癇。溫瘧。女子陰中腫痛。一名兔核。一名白草。生山谷。

名醫曰。一名白根。一名崑崙。生衡山。二月八月采根。暴乾。

案說文云。菘。白菘也。或作菘。毛詩云。菘。蔓于野。陸璣疏云。菘似栝樓。葉盛而細。其子正黑。如燕奠。不可食也。幽人謂之烏服。其莖葉密以哺牛。除熱。爾雅云。菘。菘。郭璞云。未詳。據玉篇云。菘。白菘也。經云。一

名菘核。核與菘聲相近。卽此矣。

青葙子。味苦微寒。主邪氣。皮膚中熱。風搔。身痒。殺三蟲。子名草決明。療唇口青。一名草蒿。一名萋蒿。生平谷。

名醫曰。生道傍。三月三日采莖葉。陰乾。五月六日采子。

案魏略云。初平中有青牛先生。常服青葙子。葙當作箱字。

藟菌味鹹平主心痛温中去長患白癩蟻蟲蛇螫毒癥瘕諸蟲一名藟蘆生池澤

名醫曰生東海及渤海章武八月采陰乾

案爾雅云渣灌茵芝文選注引作菌聲類云渣灌茵芝也疑卽此灌菌或一名渣一名芝未敢定之
白及御覽作味苦平主癰腫惡創敗疽傷陰死肌胃中邪氣賊風鬼擊痲緩不收一名甘根一名連及草

生川谷

吳普曰神農苦黃帝辛李氏大寒雷公辛無毒莖葉似生薑藜蘆十月華直上紫赤根白連二月八月
九月采

名醫曰生北山及冤句及越山

案隋羊公服黃精法云黃精一名白及亦爲黃精別名今名醫別出黃精條
大戟味苦寒主蠱毒十二水腫滿急痛積聚中風皮膚疼痛吐逆一名印鉅案此無生川澤三字者古或與澤漆爲一條

名醫曰生常山十二月采根陰乾

案爾雅云蕎印鉅郭璞云今藥草大戟也淮南子繆稱訓云大戟去水

澤漆味苦微寒主皮膚熱大腹水氣四肢面目浮腫丈夫陰氣不足生川澤

名醫曰一名漆莖大戟苗也生太山三月三日七月七日采莖葉陰乾

案廣雅云漆莖澤漆也

茵芋。味苦溫。主五藏邪氣。心腹寒熱。羸瘵如瘡狀。發作有時。諸關節風溼痺痛。生川谷。

吳普曰。茵芋一名卑共。微溫有毒。狀如莽草而細軟。御覽

名醫曰。一名莞草。一名卑共。生太山。三月三日采葉。陰乾。

貫衆。味苦微寒。主腹中邪熱氣。諸毒殺三蟲。一名貫節。一名貫渠。一名百頭。御覽作白。一名虎卷。一名扁符。

生山谷。

吳普曰。貫衆一名貫來。一名貫中。一名渠母。一名貫鍾。一名伯芹。一名藥藻。一名扁符。一名黃鐘。神農

岐伯苦有毒。桐君扁鵲苦。一經甘有毒。黃帝鹹酸。一經苦無毒。葉黃兩兩相對莖。黑毛聚生。冬夏不老。

四月花。八月實。黑聚相連。卷旁行生。三月八月采根。五月采藥。御覽

名醫曰。一名伯萍。一名藥藻。此謂草鴟頭。生元山及宛旬。少室山。二月八月采根。陰乾。

案說文云。葍草也。廣雅云。貫節。貫衆也。爾雅云。灤。貫衆。郭璞云。葉圓銳。莖毛黑。布地。冬夏不死。一名貫

渠。又上云。扁符。止。郭璞云。未詳。據經云。一名篇符。卽此也。爾雅當云。篇符。止。灤。貫衆。

蕘花。味苦平寒。主傷寒溫瘧。下十二水。破積聚。大堅癥瘕。蕘滌腸胃中留癖。飲食寒熱邪氣。利水道。生川

谷。

名醫曰。生咸陽及河南中牟。六月采花。陰乾。

牙子。味苦寒。主邪氣熱氣。疥搔惡瘍。創痔。去白蟲。一名狼牙。生川谷。

吳普曰。狼牙一名支蘭。一名狼齒。一名犬牙。一名抱子。神農黃帝苦有毒。桐君或鹹。岐伯雷公扁鵲苦無毒。生宛句。葉青根黃赤。六月七月華。八月實黑。正月八月采根。御覽

名醫曰。一名狼齒。一名狼子。一名犬牙。生淮南及宛句。八月采根。暴乾。

案范子計然云。狼牙出三輔。色白者善。

羊躑躅。味辛溫。主賊風在皮膚中。淫淫痛。溫瘡。惡毒。諸瘳。生川谷。

吳普曰。羊躑躅花。神農雷公辛有毒。生淮南。治賊風惡毒。諸邪氣。御覽

名醫曰。一名玉支。生太行山及淮南山。三月采花。陰乾。

案廣雅云。羊躑躅。英光也。古今注云。羊躑躅花。黃羊食之則死。羊見之則躑躅分散。故名羊躑躅。陶宏

景云。花苗似鹿葱。

商陸。味辛平。主水腫。疔瘕。瘰癧。除癰腫。殺鬼精物。一名芴根。一名夜呼。生川谷。

名醫曰。如人形者。有神。生成陽。

案說文。芴草。枝枝相值。葉葉相當。廣雅云。常蓼。馬尾。商陸也。爾雅云。蓬。芴。馬尾。郭璞云。今關西亦呼為

芴。江東為當陸。周易夬云。萑陸夬夬。鄭元云。萑陸。商陸也。蓋芴即芴俗字。商即芴假音。

羊蹄。味苦寒。主頭禿疥搔。除熱。女子陰蝕。御覽此四字作無字。一名東方宿。一名連蟲陸。一名鬼目。生川澤。

名醫曰。名蓄。生陳留。

案說文云。莖草也。讀若釐。釐草也。芫草也。廣雅云。莖羊蹄也。毛詩云。言采其蕤。箋云。蕤。牛糞也。陸德明云。本又作蓄。陸璣云。今人謂之羊蹄。陶宏景云。今人呼秃菜。卽是蓄音之譌。詩云。言采其蓄。案陸英。疑卽此草之花。此草一名連蟲陸。又陸英。卽蒴藿。一名莖也。亦苦寒。

蕭蓄。味辛平。主淺淫。疥搔。疽痔。殺三蟲。御覽引云。一名蕭。大觀本無文。生山谷。

吳普曰。蕭蓄一名蓄辯。一名蕭蔓。御覽

名醫曰。生東萊。五月采。陰乾。

案說文云。蕭。蕭莧也。莧。蕭莧也。蕭水蕭。蕭。讀若督。爾雅云。竹蕭。蓄。郭璞云。似小藜。赤莖節。好生道旁。可食。又殺蟲。毛詩云。綠竹猗猗。傳云。竹。蕭竹也。韓詩蕭云。蕭。蕭莧也。石經同。

狼毒。味辛平。主欬逆上氣。破積聚。飲食寒熱。水氣惡創。鼠瘻。疽蝕。鬼精。蠱毒。殺飛鳥走獸。一名續毒。生山谷。

名醫曰。生秦亭。及奉高。二月八月采根。陰乾。

案廣雅云。狼毒也。疑上脫續毒二字。中山經云。大隗之山有草焉。其狀如蓍而毛。青華而白實。其名曰狼。服之不夭。可以爲腹病。

白頭翁。味苦溫。主溫瘡。狂易。寒熱。癥瘕。積聚。癭氣。逐血。止痛。療金瘡。一名野丈人。一名胡王使者。生山谷。吳普曰。白頭翁。一名野丈人。一名奈河草。神農扁鵲苦無毒。生嵩山川谷。破氣狂寒熱。止痛。御覽

名醫曰一名奈河草。生高山及田野。四月采。

案陶宏景云。近根處有白茸。狀似人白頭。故以爲名。

鬼曰。味辛溫。主殺蠱毒。鬼注。精物。辟惡氣。不祥。逐邪。解百毒。一名爵犀。一名馬目毒公。一名九臼。生山谷。吳普曰。一名九臼。一名天臼。一名雀犀。一名馬目公。一名解毒生。九真山谷及冤句。二月八月采根。御覽

名醫曰。一名天臼。一名解毒生。九真及冤句。二月八月采根。

羊桃味苦寒。主燻熱。身暴赤色。風水積聚。惡瘍。除小兒熱。一名鬼桃。一名羊腸。生川谷。

名醫曰。一名菘楚。一名御弋。一名銚弋。生山林及田野。二月采。陰乾。

案說文云。菘。菘楚。銚弋。一名羊桃。廣雅云。鬼桃。銚弋。羊桃也。中山經云。豐山多羊桃。狀如桃而方。莖可以爲皮。張爾雅云。長楚。姚弋。郭璞云。今羊桃也。或曰。鬼桃。葉似桃華。白子如小麥。亦似桃。毛詩云。隰有菘楚。傳云。菘楚。銚弋也。陸璣云。今羊桃是也。葉長而狹。華紫赤色。其枝莖弱過一尺。引蔓於草上。今人以爲汲灌。重而善沒。不如楊柳也。近下根。刀切其皮。著熱灰中。脫之。可韜筆管。

女青。味辛平。主蠱毒。逐邪惡氣。殺鬼溫瘧。辟不祥。一名雀瓢。御覽作

吳普曰。女青。一名霍由祗。神農黃帝辛。御覽

名醫曰。蛇銜根也。生朱崖。八月采。陰乾。

案廣雅云。女青。烏葛也。爾雅云。藿。芄蘭。郭璞云。藿。芄蔓生。斷之。有白汁可啖。毛詩云。芄蘭之支。傳云。芄

蘭艸也。陸璣云。一名蘿摩。幽州人謂之雀瓢。別錄云。雀瓢白汁。注蟲蛇毒。卽女青苗汁也。唐本草別出蘿摩條非。

連翹。味苦平。主寒熱。鼠瘻。癰腫。惡創。癭瘤。結熱。蠱毒。一名異翹。一名蘭華。一名軹。一名三廉。生山谷。

名醫曰。一名折根。生太山。八月采。陰乾。

案爾雅云。連。異翹。郭璞云。一名連苕。又名連本草云。

蘭茹。御覽作蘭。是。味辛寒。主蝕惡肉。敗創。死肌。殺疥蟲。排膿惡血。除大風熱氣。善忘不樂。生川谷。

吳普曰。閭茹一名離樓。一名屈居。神農辛。岐伯酸鹹有毒。李氏大寒。二月采。葉員黃。高四五尺。葉四四

相當。四月華黃。五月實黑。根黃有汁。亦同黃。三月五月采根。黑頭者良。御覽

名醫曰。一名屈据。一名離婁。生代郡。五月采。陰乾。

案廣雅云。屈居。蘆茹也。范子計然云。閭茹出武都。黃色者善。

烏韭。味甘寒。主皮膚往來寒熱。利小腸。旁光氣。生山谷石上。

案廣雅云。昔邪。烏韭也。在屋曰昔邪。在牆曰垣衣。西山經云。葦荔。狀如烏韭。唐本注云。卽石衣也。亦名

石苔。又名石髮。按廣雅又云。石髮。石衣也。未知是一否。

鹿藿。味苦平。主蠱毒。女子要腹痛。不樂。腸癰。癭。癭。御覽作瘍氣。生山谷。

名醫曰。生汝山。

案說文云。鹿藿也。讀若剽。廣雅云。藿。鹿藿也。爾雅云。藿。鹿藿。其實菘。郭璞云。今鹿豆也。葉似大豆。根黃而香。蔓延生。

蚤休。味苦微寒。主驚癇。搖頭弄舌。熱氣在腹中。癩疾。癰創。陰蝕。下三蟲。去蛇毒。一名蚤休。生川谷。

名醫曰。生山陽及宛句。

案鄭樵云。蚤休曰螫休。曰重樓。金線曰重臺。曰草甘遂。今人謂之紫河車。服食家所用。而莖葉亦可愛。多植庭院間。

石長生。味鹹微寒。主寒熱。惡創。火熱。辟鬼氣不祥。御覽作辟惡氣。不詳。鬼毒。一名丹草。御覽引云。丹沙草。生山谷。

吳普曰。石長生。神農苦雷公辛一經。甘生咸陽。御覽

名醫曰。生咸陽。

陸英。味苦寒。主骨間諸痺。四肢拘攣。疼酸。鄒寒痛。陰痿。短氣不足。腳腫。生川谷。

名醫曰。生熊耳及宛句。立秋采。又曰蒟藳。味酸温。有毒。一名御覽作藳。一名芟。生田野。春夏采。葉。秋冬

采莖根。

案說文云。葷草也。讀若釐。芟。葷草也。讀若急。藟。葷草也。廣雅云。藟。盆。陸英。葷也。爾雅云。芟。葷草。唐本注。陸英云。此物蒟藳是也。後人不識。浪出蒟藳條。今注云。陸英。味苦寒無毒。蒟藳。味酸温有毒。既此不同。難謂一種。蓋其類爾。

蕙艸味苦平。主久欬上氣喘逆。久寒驚悸。痲疥。白禿。瘍氣。殺皮膚小蟲。生川谷。

吳普曰。王芻一名黃草。神農雷公口生太山山谷。治身熱邪氣。小兒身熱氣。覺御

名醫曰。可以染黃。作金色。生青衣。九月十月采。

案說文云。蕙草也。藁。王芻也。爾雅云。藁。王芻。郭璞云。藁。藁也。今呼鷓鴣腳莎。毛詩云。綠竹猗猗。傳云。藁。王芻也。唐本注云。蕙草。俗名藁。藁草。爾雅所謂王芻。

牛扁。味苦微寒。主身皮創熱氣。可作浴湯。殺牛蝨小蟲。又療牛病。生川谷。

名醫曰。生桂陽。

案陶宏景云。太常貯名扁特。或名扁毒。

夏枯草。味苦辛寒。熱癩癰鼠瘻。頭創。破癥。散癭。結氣。腳腫。溼痹。輕身。一名夕句。一名乃東。生川谷。

名醫曰。一名燕面。生蜀郡。四月采。

芫華。味辛溫。主欬逆上氣。喉鳴。喘咽。腫短氣。蠱毒。鬼瘡。疔瘕。癰腫。殺蟲魚。一名去水。生川谷。舊在木部非。

吳普曰。芫華一名去水。一名敗華。一名兒草根。一名黃大戟。神農黃帝有毒。扁鵲岐伯苦。李氏大寒。二

月生。葉青。加厚則黑。華有紫赤白者。三月實落。盡葉乃生。三月五月采。芫花根。一名赤芫根。神農雷

公苦有毒。生邯鄲。九月八月采。陰乾。久服令人洩。可用毒魚。御覽亦見圖經節文。

名醫曰。一名毒魚。一名杜芫。其根名蜀桑。可用毒魚。生淮源。三月三日采。花陰乾。

案說文云。芫魚毒也。爾雅云。杭魚毒。郭璞云。杭大木子似栗。生南方。皮厚。汁赤。中藏卵果。范子計然云。芫華出三輔。史記倉公傳。臨菑女子病蠃瘕。飲以芫花一撮。出蠃可數升。病已。顏師古注。急就篇云。郭景純說。誤耳。其生南方。用藏卵果。自別一杭木。乃左思所云。縣杭。杭樗者耳。非毒魚之杭。右草。下品四十九種。舊四十八種。考木部芫華宜入此。

巴豆。味辛溫。主傷寒溫瘧。寒熱。破癥瘕。結聚。堅積。留飲。淡癰。大腹水。張蕩。練五藏六府。開通閉塞。利水穀道。去惡肉。除鬼毒。蠱注邪物。御覽作鬼毒邪注。殺蟲魚。一名巴叔。舊作椒。御覽作菽。生川谷。

吳普曰。巴豆一名巴菽。神農岐伯桐君辛有毒。黃帝甘有毒。李氏主溫熱寒。葉如大豆。八月采。御覽名醫曰。生巴郡。八月采。陰乾。用之。去心皮。

案廣雅云。巴未。巴豆也。列仙傳云。元俗餌巴豆。淮南子說林訓云。魚食巴菽而死。人食之而肥。蜀茱。味辛溫。主邪氣。欬逆。溫中。逐骨節。皮膚死肌。寒溼。痹痛。下氣。久服之。頭不白。輕身增年。生川谷。

名醫曰。一名巴椒。一名唐蕒。生武都及巴郡。八月采。實陰乾。案范子計然云。蜀椒出武都。赤色者善。陸璣云。蜀人作茶。又見秦椒。卽爾雅茱。陶宏景云。俗呼爲膠。

阜莢。味辛鹹溫。主風痺。死肌。邪氣。風頭。淚出。利九竅。殺精物。生川谷。名醫曰。生雍州。及魯鄆縣。如豬牙者良。九月十月采。陰乾。

案說文云。莢草實。范子計然云。阜莢出三輔。上價一枚。一錢。廣志曰。雞栖子。阜莢也。御覽阜卽草省文。

柳華、味苦寒。主風水黃疸、面熱黑。一名柳絮。葉主馬疥、痂創。實主潰癰、逐膿血。子汁療渴。生川澤。

名醫曰：生琅邪。

案說文云：柳，小楊也。檉，河柳也。楊木也。爾雅：檉，河柳。郭璞云：今河旁赤莖小楊。又旄澤柳。郭璞云：生澤中者。又楊、蒲柳。郭璞云：可以爲箭。左傳所謂董澤之蒲。毛詩云：無折我樹杞。傳云：杞，木名也。陸璣云：杞，柳屬也。

棟實、味苦寒。主溫疾傷寒、大熱煩狂、殺三蟲疥瘍。利小便水道。生山谷。

名醫曰：生荆山。

案說文云：棟木也。中山經云：其實如棟。郭璞云：棟，木名。子如指頭，白而黏，可以浣衣也。淮南子：時則訓云：七月其樹棟。高誘云：棟實，鳳皇所食。今雒城旁有棟樹，實秋熟。

郁李仁、味酸平。主大腹水腫、面目四肢浮腫。利小便水道。根主齒斷腫、齲齒堅齒。一名爵李。生川谷。

吳普曰：郁李一名雀李。一名車下李。一名棟。御覽

名醫曰：一名車下李。一名棟。生高山及邱陵上。五月六月采根。

案說文云：棣，白棣也。廣雅云：山李，雀其馭也。爾雅云：常棣，棣。郭璞云：今關西有棣樹，子如櫻桃，可食。毛詩云：六月食鬱。傳云：鬱，棣屬。劉楨毛詩義問云：其樹高五六尺，其實大如李。正赤，食之甜。又詩云：常棣之華。傳云：常棣，棣也。陸璣云：與李一名雀李。一曰車下李。所在山中皆有其花，或白或赤。六月中熟大。

子如李子可食。沈括補筆談云。晉宮閣銘曰。華林園中有車下李三百一十四株。奠李一株。莽草味辛溫。主風頭癰腫。乳癰。疔痕。除結氣。疥搔。御覽有痘瘡二字。殺蟲魚。生山谷。

吳普曰。莽草一名春草。神農辛雷公桐君苦有毒。生上谷山谷中。或冤句。五月采。治風。御名醫曰。一名莨。一名春草。生上谷及冤句。五月采。葉陰乾。

案中山經云。朝歌之山有草焉。名曰莽草。可以毒魚。又藪山有木焉。其狀如棠而赤。葉可以毒魚。爾雅云。莨。春草。郭璞云。一名芒草。本草云。周禮云。翦氏掌除蠹物。以莽草薰之。范子計然云。莽草出三輔者。善。陶宏景云。字亦作莨。

雷丸。御覽作雷丸。味苦寒。主殺三蟲。逐毒氣。胃中熱利。丈夫不利。女子作摩膏。除小兒百病。御覽引云。大觀黑字。作生山谷。

吳普曰。雷丸神農苦。黃帝岐伯桐君甘有毒。扁鵲甘無毒。李氏大寒。御覽引云。一名雷實。或生漢中。八月采。名醫曰。一名雷矢。一名雷實。生石城及漢中土中。八月采根暴乾。

案范子計然云。雷矢出漢中。色白者善。桐葉味苦寒。主惡蝕。創著陰皮。主五痔。殺三蟲。華主傳豬創。飼豬肥大三倍。生山谷。名曰醫。生桐柏山。

案說文云。桐。榮也。梧。桐木。一名榎。爾雅云。榎。梧。郭璞云。今梧桐。又榮。桐木。郭璞云。卽梧桐。毛詩云。梧

桐生矣。傳云：梧桐柔木也。

梓白皮，味苦寒，主熱，去三蟲。葉擣，傅豬創，飼豬肥大三倍。生山谷。

名醫曰：生河內。

案說文云：梓，楸也。或作梓，椅梓也。楸梓也。檟楸也。爾雅云：槐小葉曰榎。郭璞云：槐當爲楸。楸細葉者爲榎。又大而鼓，楸郭璞云：老乃皮粗，鼓者爲楸。又椅梓，郭璞云：卽楸。毛詩云：椅，桐梓漆。傳云：椅，梓屬。陸璣云：梓者，楸之疏理，白色而生子者曰梓。梓實，桐皮曰椅。

石南，味辛苦，主養腎氣，內傷陰衰，利筋骨，皮毛實，殺蠱毒，破積聚，逐風痹，一名鬼目。生山谷。

名醫曰：生華陰。二月四月采實，陰乾。

黃環，味苦平，主蠱毒，鬼注，鬼魅，邪氣，在臧中，除欬逆寒熱，一名凌泉，一名大就。生山谷。

吳普曰：蜀黃環，一名生芻，一名根韭。神農黃帝岐伯桐君扁鵲辛一經，味苦有毒。二月生，初出正赤，高二尺，葉黃，員端大莖，葉有汗，黃白。五月實，員。三月采根，根黃，從理如車輻，解治蠱毒。御覽

名醫曰：生蜀郡。三月采根，陰乾。

案蜀都賦：有黃環。劉逵云：黃環出蜀郡。沈括補筆談云：黃環卽今朱藤也。天下皆有，葉如槐，其花穗懸

紫色如葛花，可作菜食，火不熟，亦有小毒。京師人家園圃中，作大架種之，謂之紫藤花者是也。

溲疏，味辛寒，主身皮膚中熱，除邪氣，止遺溺，可作浴湯。生山谷及田野故邱虛地。

名醫曰一名巨骨生熊耳山四月采

案李當之云。溱疏一名楊樨。一名牡荊。一名空疏。皮白中空。時時有節。子似枸杞。子冬日熟。色赤。味甘苦。

鼠李主寒熱癩癰。生田野。

吳普曰鼠李一名牛李御覽

名醫曰一名牛李一名鼠梓一名禪采無時

案說文云。楸鼠梓木。爾雅云。楸鼠梓。郭璞云。楸屬也。今江東有虎梓。毛詩云。北山有楸。傳云。楸鼠梓。据名醫名鼠梓。未知是否。唐本注云。一名趙李。一名阜李。一名烏槎。

藥實根味辛溫。主邪氣。諸癰疹。酸續絕傷。補骨髓。一名連木。生山谷。

名醫曰生蜀郡采無時

案廣雅云。貝父藥實也。

欒華味苦寒。主目痛。淚出。傷背。消目腫。生川谷。

名醫曰生漢中五月采

案說文云。欒木似欄。山海經云。雲雨之山有木名欒。黃木赤枝青葉。羣帝焉取藥。白虎通云。諸侯墓樹。柏大夫欒。士槐。沈括補筆談云。欒有一種樹生。其實可作數珠者。謂之木欒。卽本草欒花是也。

蔓椒、味苦温。主風寒溼痺、癩節疼、除四肢厥氣、鄒痛。一名家椒。生川谷及邱冢間。

名醫曰：一名豬椒，一名蕘椒，一名狗椒。生雲中，采莖根煮釀酒。

案陶宏景云：俗呼爲樛，以椒薰小不香爾。一名稀椒，可以蒸病出汗也。

右木下品一十七種，舊十八種，今移芫華入草。

豚卵、味苦温。主驚癩、癩疾、鬼注、蠱毒、除寒熱、賁豚、五癰、邪氣、攣縮。一名豚顛、懸蹄。主五痔、伏熱在腸、腸癰、內蝕。

案說文云：豨，小豕也。从豕省，象形。从又，持肉以給祭祀。篆文作豚，方言云：豬，其子或謂之豚，或謂之豨。吳揚之間謂之豬子。

麋脂、味辛温。主癰腫、惡創、死肌、寒風、溼痺、四肢拘緩不收、風頭、腫氣、通溲理。一名官脂。生山谷。

名醫曰：生南山及淮海邊，十月取。

案說文云：麋，鹿屬。冬至解其角。漢書云：劉向以爲麋之爲言迷也。蓋牝獸之淫者也。

驢鼠，主墮胎，令人產易。生平谷。

名醫曰：生山都。

案說文云：鸞，鼠形，飛走且乳之鳥也。籀文作鸞，廣雅云：鸞，鸞也。陶宏景云：是鸞鼠，一名飛生，見爾雅云：鸞鼠，夷由也。舊作鸞非。

六畜毛蹄甲。味鹹平。主鬼注。蠱毒。寒熱。驚癇。癩瘡。狂走。駱駝毛。尤良。

案陶宏景云。六畜謂馬。牛。羊。豬。狗。雞也。蹄。卽蹄省文。

右獸下品四種。舊同。

蝦蟇。味辛寒。主邪氣。破癥堅。血。癰腫。陰創。服之不患熱病。生池澤。

名醫曰。一名蟾蜍。一名鼃。一名去甫。一名苦蠃。生江湖。五月五日。取陰乾。東行者良。

案說文云。蝦。蝦蟆也。蟻。蝦蟆也。鼃。蝦蟆也。鼃。兕鼃。詹諸也。其鳴詹諸。其皮鼃鼃。其行兕兕。或作鼃鼃。鼃。鼃。詹諸也。夏小正傳云。域也者。長股也。或曰。屈造之屬也。詩曰。得此鼃鼃。言其行鼃鼃。蜘蛛。詹諸。以脰

鳴者。廣雅云。蛟。苦蠃。胡鼃。蝦蟆也。爾雅云。鼃。鼃。詹諸。郭璞云。似蝦蟆。居陸地。淮南謂之去蛟。又蟹。郭

璞云。蛙類。周禮云。蠃。氏。鄭司農云。蠃。讀爲。蟻。蟻。蝦蟇也。元謂。蠃。今。御所食。蛙也。月令云。仲夏之月。反舌

無聲。蔡邕云。今謂之蝦蟇。薛君韓詩注云。戚施。蟾蜍。高誘注。淮南子云。蟾。蟾蜍也。又蠃。蝦蟇也。又蟾蜍。

蝦蟇。又鼓造。一曰。蝦蟇。抱樸子內篇云。或問。魏武帝曾收左元放。而梓桔之。而得自然解脫。以何法乎。

抱樸子曰。以自解去父血。

馬刀。味辛微寒。御覽有補中二字。大觀本。黑字。主漏下。赤白。寒熱。破石淋。殺禽獸賊鼠。生池澤。

吳普曰。馬刀。一名齊。神農岐伯桐君。鹹有毒。扁鵲小寒大毒。生池澤。江海。采無時也。御覽

名醫曰。一名馬蛤。生江湖及東海。采無時。

案范子計然云馬刀出河東。藝文類聚引本經云文蛤表有文。又曰馬刀。一曰名蛤。則豈古本與文蛤爲一邪。

蛇蛻味鹹平。主小兒百二十種驚癇。瘰癧。癩疾。寒熱。腸痔。蟲毒。蛇癩。火熬之良。一名龍子衣。一名蛇符。一名龍子單衣。一名弓皮。生川谷及田野。

吳普曰蛇蛻一名龍子單衣。一名弓皮。一名蛇附。一名蛇筋。一名龍皮。一名龍單衣。御覽

名醫曰一名龍子皮。生荊州五月五日十五日取之良。

案說文云它蟲也。从虫而長象窹曲。羸尾形。或作蛇蛻。蛇蟬所解皮也。廣雅云蝮蛻也。中山經云來山多空羸。郭璞云卽蛇皮脫也。

邱蚓味鹹寒。主蛇瘕。去三蟲。伏尸。鬼注。蠱毒。殺長蟲。仍自化作水。生平土。

吳普曰蚯蚓一名白頸。螻蟻一名附引。御覽

名醫曰一名土龍。二月取陰乾。

案說文云螻側行者。或作蚓。螻蟻也。廣雅云蚯蚓蟻蟻。引無也。爾雅云螻蟻蟹蠶。郭璞云卽蟹蟻也。江東呼寒蚓。舊作蚯。非。呂氏春秋淮南子邱蚓出不从蟲。又說山訓云螻無筋骨之強。高誘注螻一名蟻。端也。舊又有白頸二字。据吳普古本當無也。

蟻蛻味辛平。主久齧。欬逆。毒氣出刺出汗。生川谷。

名醫曰。一名土蜂。生熊耳及牂柯。或人屋間。

案說文云。蠨蠨。贏蒲盧。細要土蜂也。或作蝶贏。蝶贏也。廣雅云。土蜂。蠨蠨也。爾雅。土蜂。毛詩云。螟蛉有子。蝶贏負之。傳云。蝶贏。蒲盧也。禮記云。夫政也者。蒲盧也。鄭云。蒲盧。果蠃。謂土蜂也。方言云。蠹。其小者。謂之蠨蠨。或謂之蚋。說文無蠨字。或當爲醫。

吳蚣。味辛溫。主鬼注。蠱毒。噉諸蛇蟲魚毒。殺鬼物老精。溫虐。去三蟲。御覽引云。一名至掌。大觀本在水蛭下。生川谷。名醫曰。生大吳江南。赤頭足者良。

案廣雅云。螂蛆。吳公也。

水蛭。味鹹平。主逐惡血。瘀血。月閉。御覽作水閉。破血瘕積聚。無子。利水道。生池澤。

名醫曰。一名蚊。一名至掌。生雷澤。五月六月采。暴乾。

案說文云。蛭。蟻也。蝮。蝮。至掌也。爾雅云。蛭。蟻。郭璞云。今江東呼水中蛭蟲。入人肉者爲蟻。又蛭。蝮。至掌。郭璞云。未詳。据名醫。卽蛭也。

斑苗。味辛寒。主寒熱。鬼注。蠱毒。鼠瘻。惡創。疽蝕。死肌。破石癰。一名龍尾。生川谷。

吳昔。曰。斑貓。一名斑蚝。一名龍蚝。一名斑苗。一名勝髮。一名盤蚤。一名晏青。神農辛。岐伯鹹。桐君有毒。扁鵲甘有大毒。生河內川谷。或生水石。

名醫曰。生河東。八月取。陰乾。

案說文云。螿螿毒蟲也。廣雅云。螿螿晏青也。名醫別出芫青條。非芫晏音相近也。舊作猫。俗字。据吳氏云。一名班苗是也。

貝子。味鹹平。主目翳。鬼注。蟲毒。腹痛。下血。五癰。利水道。燒用之良。生池澤。

名醫曰。一名貝齒。生東海。

案說文云。貝。海介蟲也。居陸名彥。在水名蝸象形。爾雅云。貝小者贔。郭璞云。今細貝。亦有紫色。出日南。又贔。小而橢。郭璞云。卽上小貝。

石蠶。味鹹寒。主五癰。破石淋。墮胎。內解結氣。利水道。除熱。一名沙蠶。生池澤。

吳普曰。石蠶亦名沙蠶。神農雷公酸無毒。生漢中。治五淋。破隨內結氣。利水道。除熱。御覽

名醫曰。生江漢。

案廣雅云。沙蠶。螻蛄也。淮南萬畢術云。沙蠶。一名蓬活。一名地脾。御覽蟲豸部引李當之云。類蟲形如

老蠶。生附石。廣志云。皆蝨。蝨色赤。大過蟻。在水中。入人皮中。殺人。與李似不同。

雀甕。味甘平。主小兒驚癇。寒熱。結氣。蠱毒。鬼注。一名躁舍。

名醫曰。生漢中。采蒸之。生樹枝閒。帖蝨房也。八月取。

案說文云。蝨。蝨斯黑也。爾雅云。蠹。蝨。郭璞云。載屬也。今青州人呼載爲蝨。按本經名爲雀甕者。甕與蝨音相近。以其如雀子。又如繭蟲之蛹。因呼之。

蜣螂。味鹹寒。主小兒驚癇。瘕瘕。腹張。寒熱。大人癘疾狂易。一名蝓蝓。火熬之良。生池澤。

名醫曰。生長沙。五月五日取。蒸藏之。

案說文云。螂。渠螂。一曰天杜。廣雅云。天杜。蜣螂也。爾雅云。蝓蝓。蝓蝓。郭璞云。黑甲蟲。噉糞土。玉篇。蝓蝓。

同。說文無蝓字。渠螂。卽蝓蝓。音之緩急。

蝓蝓。味鹹寒。主產難。出肉中刺。御覽作刺潰癰。腫下。哽噎。御覽作解毒。除惡創。一名蝓蝓。御覽作一名天

蝓。一名蝓。夜出者良。生平澤。

名醫曰。生東城。夏至取。暴乾。

案說文云。蠹。蝓蝓也。蝓蝓。蝓蝓也。蝓蝓。蝓蝓也。廣雅云。豕鼠。津姑。蝓蝓。蝓蝓也。夏小正云。三月穀

則鳴。穀。天蝓也。爾雅云。穀。天蝓。郭璞云。蝓蝓也。淮南子。時則訓云。孟夏之月。蝓蝓鳴。高誘云。蝓蝓。蝓蝓也。

方言云。蝓。謂之杜格。蝓蝓。謂之蝓蝓。或謂之蠹。蛤。南楚謂之杜狗。或謂之蝓蝓。陸璣詩疏云。本草又

謂蝓蝓爲石鼠。今無文。

馬陸。味辛溫。主腹中大堅癥。破積聚。息肉。惡創。白禿。一名百足。生川谷。

吳普曰。一名馬軸。御覽

名醫曰。一名馬軸。生元龜。

案說文云。蠹。馬蠹也。从虫。𠄎聲。𠄎象形。明堂月令曰。腐草爲蠹。廣雅云。蛆。蠹。馬蠹也。又馬踐。蠹。

蛆也。爾雅云：蝦，馬踐。郭璞云：馬蠲，勺。俗呼馬蠲。淮南子時則訓云：季夏之月，腐艸化爲蛆。高誘云：蛆，馬蠲也。幽冀謂之秦渠。又汜論訓云：蚘，足衆而走不若蛇。又兵略訓云：若蚘之足。高誘云：蚘，馬蠲也。方言云：馬蚘，北燕謂之蛆渠。其大者謂之馬蚘。博物志云：馬蚘，一名百足，中斷成兩段，各行而去。地膽，味辛寒。主鬼注、寒熱、鼠癩、惡創、死肌、破癥瘕、墮胎。一名蚘青。生川谷。

吳普曰：地膽，一名元青，一名杜龍，一名青虹。御覽

名醫曰：一名青卦，生汶山，八月取。

案廣雅云：地膽，蚘要，青蠹，青蠹也。陶宏景云：狀如大馬蟻，有翼，僞者卽班貓所化，狀如大豆。鼠婦，味酸溫，主氣癰，不得小便，婦人月閉，血癥，癩瘡，寒熱，利水道。一名負蟠，一名蚘威。生平谷。名醫曰：一名倭蟠，生魏郡及人家地上，五月五日取。

案說文云：蚘，蚘威，委黍，委黍，鼠婦也。蟠，鼠負也。爾雅云：蟠，鼠負。郭璞云：瓮器底蟲，又蚘威，委黍。郭璞云：舊說，鼠婦別名。毛詩云：伊威在室，傳云：伊威，委黍也。陸璣云：在壁根下，甕底中生，似白魚。

燐火，味辛微溫，主明目，小兒火創傷，熱氣，蠱毒。鬼注通神。一名夜光。御覽引云：一名燐燐，一名燐燐，一名燐燐。生池澤。

吳普曰：燐火，一名夜照，一名燐燐，一名救火，一名景天，一名據火，一名挾火。藝文類聚

名醫曰：一名放光，一名燐燐，一名卽炤，生階地，七月七日收，陰乾。

案說文云。螽。兵死及牛馬之血爲螽。鬼火也。从炎舛。爾雅云。熒火卽炤。郭璞云。夜飛。腹下有火。毛詩云。熠燿宵行。傳云。熠燿。燐也。燐。螢火也。月令云。季夏之月。腐草化爲螢。鄭元云。螢飛蟲。螢火也。据毛萇以螢爲螽。是也。說文無螢字。當以螽爲之。爾雅作熒。亦是。舊作螢。非。又按月令。腐草爲螢。當是蠲字假音。衣魚。味鹹温。無毒。主婦人疝瘕。小便利。利御覽作。小兒中風御覽作。項強御覽作。背起摩之。一名白魚。生平澤。

吳普曰。衣中白魚。一名螽。御覽

名醫曰。一名螽。生成陽。

案說文云。蟬。白魚也。廣雅云。白魚。蚎魚也。爾雅云。蟬。白魚。郭璞云。衣書中蟲。一名蚎魚。

右蟲。魚。下品。一十八種。舊同。

桃核仁。味苦平。主瘀血。血閉瘕邪。殺小蟲。桃花。殺注惡鬼。令人好顏色。桃梟。微温。主殺百鬼。精物。初學記引云。

桃在樹不落。殺百鬼。桃毛。主下血。瘕寒熱。積寒無子。桃蠹。殺鬼邪惡。不祥。生川谷。

名醫曰。桃核。七月采。取仁。陰乾。花三月三日采。陰乾。桃梟。一名桃奴。一名梟景。是實著樹不落。實中者。

正月采之。桃蠹。食桃樹蟲也。生太山。

案說文云。桃。果也。玉篇云。桃。毛果也。爾雅云。桃李醜核。郭璞云。子中有核仁。孫炎云。桃李之實。類皆有核。

杏核仁味甘溫。主欬逆上氣。雷鳴喉痹下氣。產乳金創。寒心。賁豚。生川谷。

名醫曰。生晉山。

案說文云。杏果也。管子地員篇云。五沃之土。其木宜杏。高誘注淮南子云。杏有竅在中。

右果。下品二種。舊同。

腐婢味辛平。主疔瘡寒熱邪氣。洩利。陰不起。病酒。頭痛。生漢中。

吳普曰。小豆花一名腐婢。

舊作付月誤。

神農甘毒。七月采。陰乾。四十日。治頭痛止渴。

御覽

名醫曰。生漢中。即小豆花也。七月采。陰乾。

右米穀。下品一種。舊同。

苦瓠味苦寒。主大水。面目四肢浮腫。下水。令人吐。生川澤。

名醫曰。生晉地。

案說文云。瓠。匏。匏。瓠也。廣雅云。匏。瓠也。爾雅云。瓠。棲。瓣。毛詩云。瓠有苦葉。傳云。匏。謂之瓠。又九月斷瓠。

傳云。壺。瓠也。古今注云。瓠。壺。蘆也。壺。蘆。瓠之無柄者。瓠有柄者。又云。瓠。瓠也。其摠曰匏。瓠則別名。

水蘄味甘平。主女子赤沃。止血養精。保血脈。益氣。令人肥健。嗜食。一名水英。生池澤。

名醫曰。生南海。

案說文云。芹。楚葵也。近菜類也。周禮有蒹菹。爾雅云。芹。楚葵。郭璞云。今水中芹菜。字林云。葵。艸生水中。

根可緣器。又云蒔菜。似蒜。生水。

右菜。下品二種。舊同。

彼子。味甘溫。主腹中邪氣。去三蟲。蛇螫。蠱毒。鬼注。伏尸。生山谷。舊在唐本退中。

名醫曰。生永昌。

案陶宏景云。方家從來無用此者。古今諸醫。及藥家子。不復識。又一名熊子。不知其形何類也。掌禹錫云。樹似杉子。如檳榔。本經蟲部云。彼子。蘇注云。彼字合從木。爾雅云。彼一名排。

三合合三百六十五種。法三百六十五度。一度應一日。以成一歲。倍其數。合七。

掌禹錫曰。本草例。神農本草經以朱書。名醫別錄以墨書。神農藥三百六十五種。今此言倍其數。合七百三十名。是併名醫別錄副品而言也。則此下節別錄之文也。當作墨書矣。蓋傳寫淺久。朱墨錯亂。所致耳。

案禹錫說是也。改爲細字。

藥有君臣佐使。以相宣攝。合和。宜用一君。二臣。三佐。五使。又可一君。三臣。九佐使也。

藥有陰陽。配合子母兄弟。根莖華實。草石骨肉。有單行者。有相須者。有相畏者。有相惡者。有相反者。有相殺者。凡此七情。合和時之當用。相須相使者。良。勿用。相惡相反者。若有毒。宜制。可用。相畏相殺者。不爾。勿合用也。

藥有酸鹹甘苦辛五味。又有寒熱溫涼四氣。及有毒無毒。陰乾暴乾。采造時月。生熟土地。所出真偽陳新。並各有法。

藥性有宜丸者。宜散者。宜水煮者。宜酒漬者。宜膏煎者。亦有一物兼宜者。亦有不可入湯酒者。並隨藥性。不得違越。

欲療病。先察其原。先候病機。五藏未虛。六府未竭。血脈未亂。精神未散。服藥必活。若病已成。可得半愈。病執已過。命將難全。

若用毒藥療病。先起如黍粟。病去即止。不去。倍之。不去。十之。取去爲度。

療寒以熱藥。療熱以寒藥。飲食不消。以吐下藥。鬼注。蠱毒。以毒藥。癰腫。創瘡。以創藥。風溼。以風溼藥。各隨其所宜。

病在胸膈以上者。先食後服藥。病在心腹以下者。先服藥而後食。病在四肢血脈者。宜空腹而在。且病在骨髓者。宜飽滿而在夜。

夫大病之主。有中風傷寒。寒熱溫瘧。中惡霍亂。大腹水腫。腸澼下利。大小便不通。賁腫。上氣。欬逆。嘔吐。黃疸。消渴。留飲。癖食。堅積。癥瘕。驚邪。癩癰。鬼注。喉痺。齒痛。耳聾。目盲。金創。踠折。癰腫。惡創。痔瘻。癰瘤。男子五勞七傷。虛乏羸瘦。女子帶下。崩中。血閉。陰蝕。蟲蛇。蠱毒。所傷。此大略宗兆。其閒變動枝葉。各宜依端緒以取之。

右序列白字

本草經佚文

上藥令人身安命延。昇天神仙。遨遊上下。役使萬靈。體生毛羽。行廚立至。抱朴子內篇。引神農經。据太平御覽校。

中藥養性。下藥除病。能令毒蟲不加。猛獸不犯。惡氣不行。衆妖併辟。地朴子內篇。引神農經。

太一子曰。凡藥上者養命。中者養性。下者養病。藏文類聚引。本草經。

太一子曰。凡藥上者養命。中藥養性。下藥養病。神農乃作赭鞭鉤鋤。尺制。從六陰陽。與太乙外字。五岳四

瀆土地所生。草石骨肉心灰。皮毛羽萬千類。皆鞭問之。得其所能治主。當其五味。一日作百。二字舊誤。七十毒。

太平御覽引。本草經。

神農稽首再拜。問於太乙子曰。曾聞之時壽過百歲。而徂落之咎。獨何氣使然也。太乙子曰。天有九門。中

道最良。神農乃從其嘗藥。以拯救人命。太平御覽引。神農本草。

按此諸條。與今本經卷上文略相似。諸書所引。較本經文多。又云。是太一子說。今無者。疑後節之。其云

赭鞭鉤鋤。當是煮辨。候製之。假音。鞭問之。卽辨問之。無怪說也。

藥物有大毒。不可入口。鼻耳目者。卽殺人。一曰鉤吻。盧氏曰。陰地黃精。不相。連根苗獨生者。是也。二曰鴆。狀如雌雞。生山中。三曰

陰命。赤色。著木縣其。子。生海中。四曰內童。狀如鷓。生海中。五曰鳩羽。頭赤喙。墨。生海中。雄曰鷓。雌曰鷓。六曰螭。也。博物志引神農經。

藥種有五物。一曰狼毒。占斯解之。二曰巴頭。藿汁解之。三曰黎盧湯解之。四曰天雄烏頭。大豆解之。五曰

斑茅。戎鹽。解之毒。菜害小兒。乳汁解。先食飲二升。博物志引

五芝。及餌丹砂。玉札。曾青。雄黃。雌黃。雲母。太乙。禹餘糧。各可單服之。皆令人飛行長生。抱朴子內篇引神農四經

春夏為陽。秋冬為陰。文選注引神農本艸

春為陽。陽溫生萬物。同上

黃精與朮。餌之却粒。或遇凶年。可以絕粒。謂之米脯。太平御覽引抱朴子神農經

五味。養精神。強魂魄。五石。養髓。肌肉肥澤。諸藥。其味酸者。補肝。養心。除腎病。其味苦者。補心。養脾。除肝病。

其味甘者。補肺。養脾。除心病。其味辛者。補肺。養腎。除脾病。其味鹹者。補肺。除肝病。故五味應五行。四體應

四時。夫人性生于四時。然後命于五行。以一補身。不死命神。以母養子。長生延年。以子守母。除病究年。太平御覽引養生要

略。神農經。

案此諸條。當是玉石草木三品前總論。而後人節去。

附吳氏本草十二條

龍眼。一名益智。一名比目。齊民要術

鼠尾。一名勤。一名山陵翹。治痢也。太平御覽

滿陰實。生平谷。或圃中。延蔓如瓜。葉實如桃。七月采。止渴延年。太平御覽

千歲垣中。膚皮得薑。赤石脂。治。太平御覽

小華一名結草。太平御覽

木瓜生夷陵。太平御覽

穀樹皮治喉閉一名楮。太平御覽

櫻桃味甘主調中益氣令人好顏色美志氣一名朱桃一名麥英也。藝文類聚

李核治仆僵花令人好顏色。太平御覽

大麥一名穰麥五穀之盛無毒治消渴除熱益氣食密爲使麥種一名小麥無毒治利而不中口。太平御覽

鼓益人氣。太平御覽

暉日一名鳩羽。太平御覽

附諸藥制使

唐慎微曰神農本草經相使正各一種冀以藥對參之乃有兩三

玉石上部

玉泉畏款冬花

玉屑惡鹿角

丹砂惡磁石畏鹹水

曾青畏菟絲子

石膽水英爲使。畏牡桂。菌桂。芫花。辛夷白。

鍾乳。蛇牀子爲使。惡牡丹。牡蒙。元石。牡蒙。畏紫石英。藜草。

雲母。澤瀉爲使。畏蛇甲及流水。

消石口爲使。惡苦參。苦菜。畏女苑。

朴消。畏麥句薑。

芒消。石葦爲使。惡麥句薑。

礬石。甘草爲使。畏母蠣。

滑石。石葦爲使。惡曾青。

紫石英。長石爲使。畏扁青。附子。不欲蛇甲。黃連。麥句薑。

白石英。惡馬目毒公。

赤石脂。惡大黃。畏芫花。

黃石脂。曾青爲使。惡細辛。畏蜚蠊。

太一餘糧。杜仲爲使。畏鐵落。昌蒲。貝母。

玉。石。中部。

水銀。畏磁石。

殷孽惡防已畏木。

孔公孽木蘭爲使惡細辛。

湯起石桑螵蛸爲使惡澤瀉菌桂雷丸蛇脫皮畏菟絲子。

石膏雞子爲使惡莽草毒公。

凝水石畏地榆解巴豆毒。

磁石紫胡爲使畏黃石脂惡牡丹莽草。

元石惡松脂柏子仁菌桂。

理石滑石爲使惡麻黃。

玉石下部。

礬石得火良棘鍼爲使惡虎掌毒公鴛屎細辛水。

青琅玕得水銀良畏雞骨殺錫毒。

特生礬石得火良畏水。

代赭畏天雄。

方解石惡巴豆。

大鹽漏蘆爲使。

草、藥、上部。

六芝薯預爲使。得髮良。惡常山。畏扁青茵陳。

朮防風地榆爲使。

天門冬。垣衣。地黃爲使。畏曾青。

麥門冬。地黃。車前爲使。惡款冬。苦瓠。畏苦參青蘘。

女萎。蕤主。畏鹵蒙鹹。

乾地黃。得麥門冬。清酒良。惡貝母。畏無夷。

昌蒲。秦花。秦皮爲使。惡地膽麻黃。

澤瀉。畏海蛤文蛤。

遠志。得茯苓。冬葵子。龍骨良。殺天雄。附子毒。畏真珠。蜚廉。藜蘆。

齊蛤。薯預。紫芝爲使。惡甘遂。

石斛。陸英爲使。惡凝水石。巴豆。畏白殭蠶。雷丸。

菊花。朮。枸杞根。桑根。白皮爲使。

甘草。朮。乾漆。苦參爲使。惡遠志。反甘遂。大戟。芫花。海藻。

人參。茯苓爲使。惡溲疏。反藜蘆。

牛膝。惡燄火。龜。陸英。畏白。

細辛。曾青。東根。爲使。惡狼毒。山茱萸。黃耆。畏滑石。消石。反藜蘆。
獨活。蠶石。爲使。

柴胡。半夏。爲使。惡阜莢。畏女苑。藜蘆。

菴闍子。荆子。薏苡仁。爲使。

芥子。得荆子。細辛。良。惡乾薑。苦參。

龍膽。貫衆。爲使。惡防葵。地黃。

菟絲子。得酒良。薯預。松脂。爲使。惡藿茵。

巴戟。天覆盆子。爲使。惡朝生。雷丸。丹參。

蒺藜子。烏頭。爲使。

沙參。惡防已。反藜蘆。

防風。惡乾薑。藜蘆。白斂。芫花。殺附子毒。

絡石。杜仲。牡丹。爲使。惡鐵落。畏菖蒲。貝母。

黃連。黃岑。龍骨。理石。爲使。惡菊花。芫花。元參。白解皮。畏款冬。勝烏頭。解巴豆毒。

丹參。味鹹水。反藜蘆。

天名精。垣衣爲使。

決明子。蒼實爲使。惡大麻子。

續斷。地黃爲使。惡雷丸。

芎藭。白芷爲使。

黃耆。惡龜甲。

杜若。得辛夷。細辛。良。惡柴胡。前胡。

蛇牀子。惡牡丹。巴豆。貝母。

茜根。畏鼠姑。

飛廉。得烏頭。良。惡麻黃。

薇銜。得秦皮。良。

五味子。菴蓉爲使。惡委蕤。勝烏頭。

草藥中部。

當歸。惡藺茹。畏昌蒲。海藻。牡蒙。

秦芫。昌蒲爲使。

黃芩。山茱萸。龍骨爲使。惡蔥實。畏丹砂。牡丹。藜蘆。

芍藥須丸爲使。惡石斛、芒消、畏石髓、甲、小薊、反藜蘆。
乾薑、秦椒爲使。惡黃連、黃芩、天鼠屎、殺半夏、萑、砒毒。
藜本、畏蘭茹。

麻黃、厚朴爲使。惡辛夷、石韋。

葛根、殺野葛、巴豆、百藥毒。

前胡、半夏爲使。惡阜莢、畏藜蘆。

貝母、厚朴、白薇爲使。惡桃花、畏秦朮、礬石、莽草、反烏頭。

括樓、枸杞爲使。惡乾薑、畏牛膝、乾漆、反烏頭。

元參、惡黃耆、乾薑、大棗、山茶、莢、反藜蘆。

苦參、元參爲使。惡貝母、漏蘆、菟絲子、反藜蘆。

石龍芮、大戟爲使。畏蛇蛻、吳茱萸。

葶藶、薏苡爲使。畏葵根、大黃、柴胡、牡蠣、前胡。

石韋、滑石、杏仁爲使。得菖蒲、良。

狗脊、葶藶爲使。惡敗醬。

瞿麥、蘘草、牡丹爲使。惡螻蛄。

白芷當歸爲使。惡旋復花。

紫菀。款冬爲使。惡天雄。瞿麥。雷丸。遠志。畏茵陳。

白鮮皮。惡蟬蛸。桔梗。伏苓。葶藶。

白薇。惡黃耆。大黃。大戟。乾薑。乾漆。大棗。山茶。莢。

紫參。畏辛夷。

淫羊藿。薯蕷爲使。

款冬花。杏仁爲使。得紫菀。良。惡阜莢。消石。元參。畏貝母。辛夷。麻黃。黃芩。黃連。黃耆。青葙。

牡丹。畏菟絲子。

防己。殷孽爲使。惡細辛。畏葶藶。殺雄黃毒。

女苑。畏鹵鹹。

澤蘭。防己爲使。

地榆。得髮良。惡麥門冬。

海藻。反甘草。

草藥下部。

大黃。黃芩爲使。

桔梗。節皮爲使。畏白及。反龍膽。龍眼。

甘遂。瓜蒂爲使。惡遠志。反甘草。

葶藶。榆皮爲使。得酒良。惡殭蠶。石龍芮。

芫花。決明爲使。反甘草。

澤漆。小豆爲使。惡薯蕷。

大戟。反甘草。

鉤吻。半夏爲使。惡黃芩。

藜蘆。黃連爲使。反細辛。芍藥。五參。惡大黃。

烏頭。烏喙。莽草爲使。反半夏。括樓。貝母。白斂。白及。惡藜蘆。

天雄。遠志爲使。惡腐婢。

附子。地膽爲使。惡蜈蚣。畏防風。甘草。黃耆。人參。烏韭。大豆。

貫衆。菴菌爲使。

半夏。射干爲使。惡皂莢。畏雄黃。生薑。乾薑。秦皮。龜甲。反烏頭。

蜀漆。括樓爲使。惡貫衆。

虎掌。蜀漆爲使。畏莽草。

狼牙。蕪荑爲使。惡棗肌。地榆。

常山。畏玉札。

白及。紫石英爲使。惡理石。李核仁。杏仁。

白斂。代赭爲使。反烏頭。

鞞菌。得酒良。畏雞子。

藺茹。甘草爲使。惡麥門冬。

藎草。畏鼠婦。

夏枯草。土瓜爲使。

狼毒。大豆爲使。惡麥句薑。

鬼臼。畏衣。

木藥。上部。

茯苓。茯神。馬閒爲使。惡白斂。畏牡蒙。地榆。雄黃。秦芎。龜甲。

杜仲。惡蛇蛻。元參。

柏實。牡蠣。桂心。瓜子爲使。畏菊花。羊蹄。諸石。麩麩。

乾漆。半夏爲使。畏雞子。

蔓荆子。惡烏頭。石膏。

五加皮。遠志爲使。畏蛇皮。元參。

槲木。惡乾漆。

辛夷。芎藭爲使。惡五石脂。畏昌蒲。蒲黃。黃連。石膏。黃環。

酸棗仁。惡防已。

槐子。景天爲使。

牡荊實。防已爲使。惡石膏。

木藥。中部。

厚朴。乾薑爲使。惡澤瀉。寒水石。消石。

山茱萸。蓼實爲使。惡桔梗。防風。防已。

吳茱萸。蓼實爲使。惡丹參。消石。白堊。畏紫石英。

秦皮。大戟爲使。惡茱萸。

占斯。解狼毒毒。

梔子。解躑躅毒。

秦椒。惡括樓。防葵。畏雌黃。

桑根。白皮。續斷。桂心。麻子爲使。

木藥下部。

黃環。鳶尾爲使。惡茯苓。防已。

石南。五加皮爲使。

巴豆。芫花爲使。惡藜蘆。殺班貓毒。

欒華。決明爲使。

蜀椒。杏仁爲使。畏款冬。

溲疏。漏蘆爲使。

阜茨。柏實爲使。惡麥門冬。畏空青。人參。苦參。

雷丸。荔實。厚朴爲使。惡葛根。

獸上部。

龍骨。得人參。牛黃。良。畏石膏。

龍角。畏乾漆。蜀椒。理石。

牛黃。人參爲使。惡龍骨。地黃。龍膽。蜚蠊。畏牛膝。

白膠。得火。良。畏大黃。

阿膠得火良。畏大黃。

獸中部。

犀角。松脂爲使。惡藟菌。雷丸。

羴羊角。菟絲子爲使。

鹿茸。麻勃爲使。

鹿角。杜仲爲使。

獸下部。

麋脂。畏大黃。

伏翼。萹實。雲實爲使。

天鼠屎。惡白斂。白微。

蟲魚上部。

蜜蠟。惡芫花。齊蛤。

蜂子。畏黃芩。芍藥。牡蠣。

牡蠣。貝母爲使。得甘草。牛膝。遠志。蛇牀。良。惡麻黃。吳茱萸。辛夷。

桑螵蛸。畏旋復花。

海蛤。蜀漆爲使。畏狗膽。甘遂。芫花。

龜甲。惡沙參。蜚蠊。

蟲魚中部。

蝟皮。得酒良。畏桔梗。麥門冬。

蜥蜴。惡硫黃。斑猫。蕪荑。

露蜂房。惡乾薑。丹參。黃芩。芍藥。牡蠣。

蜜蟲。畏阜莢。昌蒲。

鱉。蜚蠊爲使。惡附子。

髓甲。惡礬石。

蟹。殺葇荑。漆毒。

鮫魚甲。蜀漆爲使。畏狗膽。甘遂。芫花。

烏賊魚骨。惡白斂。白及。

蟲魚下部。

蛻。畏羊角。石膏。

蛇蛻。畏磁石。及酒。

班貓馬刀爲使。畏巴豆。丹參。空青。惡膚青。

地膽。惡甘草。

馬刀得水良。

果。上部。

大棗。殺烏頭毒。

果。下部。

杏仁。得火良。惡黃耆。黃芩。葛根。解錫胡粉毒。畏藁草。

菜。上部。

冬葵子。黃芩爲使。

蔥實。解藜蘆毒。

米。上部。

麻。黃麻子。畏牡蠣。白微。惡茯苓。

米。中部。

大豆。及黃卷。惡五參。龍膽。得前胡。烏喙。杏仁。牡蠣。良。殺烏頭毒。

大麥。蜜爲使。

右二百三十一種。有相制使。其餘皆無。三十四種續添。當云三十五種。案

立冬之日。菊。卷柏。先生。時爲陽起石。桑。蝶。蛸。凡十物使。主二百草。爲之長。

立春之日。木蘭。射干。先生。爲柴胡。半夏使。主頭痛。四十五節。

立夏之日。蜚蠊。先生。爲人參。茯苓使。主腹中。七節。保神守中。

夏至之日。豕首。茱萸。先生。爲牡蠣。烏啄使。主四肢。三十二節。

立秋之日。白芷。防風。先生。爲細辛。蜀漆使。主胸背。二十四節。原注右此五條。出藥對中。而是主統之深。

載之。故亦。

[General Information]

书名=神农本草经（二）

SS号=11253622